



Members of the Board

Beth Albiani
Nancy Chaires Espinoza
Carmine S. Forcina
Chet Madison, Sr.
Dr. Crystal Martinez-Alire
Anthony "Tony" Perez
Bobbie Singh-Allen

Christopher R. Hoffman
Thawj Tsavxwm

(916) 686-7700
FAX: (916) 686-7787
EMAIL: suptoffice@egusd.net

Robert L. Trigg Education Center
9510 Elk Grove-Florin Road, Elk Grove, CA 95624

Lub Tsib Hli 3, 2017

Nyob Zoo Cov Niamtxiv, Cov Neeg Ua Haujlwm thiab Cov Tswvcuab Ntawm Elk Grove Unified:

Lub homphiaj ntawm kev sis txuas lus nyob rau tsab ntawv no yog, qhia rau nej txog kuv txojkev xav, kev txhawjxeeb thiab tej kev npaj yuav ua licas txog tej teebmeem uas tau tshwmsim los ntawm Elk Grove Unified School District (EGUSD) ib tus neeg ua haujlwm thiab lwm tus uas muaj feem txuam nrog uas nyob rau lub District.

Ua ntej tshaj plaws, kuv yeej tsi txaus siab thiab tsi pom zoo txog tej uas tau ua rau peb cov tub ntxhais los ntawm tej tus neeg laus uas yeej nteeg siab tau. Kuv tsi xav tias yuav muaj tej yam li no li. Yeej tsi muaj dabtsi uas yuav tseemceeb tshaj li kev tiv thaiv kom muaj kev cobphum rau tus tub ntxhais nws lub cev ntaj tsug thiab nws txojkev xav, yam uas tej tus tibneeg ua tau tsi zoo li no yeej ua txhaum hlaw txojkev nteeg siab uas yuav tsum tau muaj nyob nruab nrab ntawm EGUSD pab team ua haujlwm, cov tub ntxhais thiab cov tsevneeg. Txawm hais tias ua ib zaug xwb los yeej tsi tau.

Kev uas hais txog tej yam xwmtxheej ua tau tshwmsim li no yeej tsi yooj yim hais li. Thawj qhov uas peb yuav tsum tau ua yog txwv kom tsi txhob muaj kev sis cuag ntxiv los ntawm tus neeg uas tau ua txhaum ntawd thiab ntawm tus tibneeg uas nws tau ua phem rau thiab yuav tau nrhiav kev pab txhawb rau tus neeg uas raug ua phem rau thiab nws tsevneeg. Nyob ntawm seb peb paub licas txog qhov teebmeem no thiab, peb yuav ua haujlwm nrog rau cov tub ceevxwm thiab yuav txhawb rau lawv kev tshawb nrhiav; qhov ua li no yog kom tsi txhob muaj kev cuamtshuam dabtsi rau lawv kev tshawb nrhiav lossis cuamtshuam dabtsi txog txojcai. Qhov no yog qhov uas nyuaj tshaj rau kev yuav ua tes haujlwm no vim cov tub ceev xwm tsuas pub peb qhia txog tej yam tej lub sijhawm xwb thaum xub pib no. Lub sijhawm uas yuav ua tiav tej kev tshawb nrhiav no yog nyob ntawm kev tshawb nrhiav seb ntev licas xwb. Muaj tej cov mas ua hnuv puav xwb, tiamsis feem ntau mam yeej siv sijhawm li ob peb lub litiam thiaj ua tiav. Ib qhov uas totaub yuam kev mam hais tias lub District yeej tau cov kev qhia ua ntu zus thaum muaj kev tshawb nrhiav no, tiamsis tsi yog li ntawd. Cov tub ceevxwm tsuas qhia peb txog ib cov tibneeg uas raug lwm tus ua phem rau, kom peb thiaj paub nrhiav kev pab uas tsimnyog rau lawv, tej kev qhia ntxaws txog tej kev tshawb nrhiav tau ntawd tsuas yog lub koomhaum kev tshawb nrhiav thiaj paub txog xwb. Cov tub ceevxwm qhia rau peb paub thaum lawv yuav ntes tus tibneeg ntawd. Thaum no thiaj yog thaum uas lub koomhaum kev tshawb nrhiav qhia tias tus neeg ntawd qhov kev txhaum yog dabtsi. Kuv yeej muab peb kev koomtes nrog rau cov tub ceevxwm saib muaj nqi, qhov no yuav pab tau kom muab tau lub txim nyhav rau tus uas tau ua txhaum txojcai. Peb kev koomtes li no pab tau peb cov thawj coj rau kev uas muab tus neeg ua haujlwm ntawd daim license lossis credential rho tawm tsi pub nws haujlwm nrog rau menyuam ntxiv lawm.

Kuv yeej paub hais tias cov kev qhia li saum toj no tsi yoojyim totaub zoo rau peb cov niamtxiv thiab cov tswvcuab hauv lub zej zos. Kuv los yeej zoo tibyam li ntawd thiab. Tej kev qhia uas yuav tau tos ntev lossis tej yam kev qhia tshwjxeeb mas hajyam ua rau nyuaj rau cov uas raug qhov teebmeem no. Peb yeej yuav qhia rau nej paub sai li sai tau thaum peb paub txog tej kev qhia ntxiv. Feem ntau peb yeej qhia ntxov tias muaj dabtsi tshwmsim tomqab ntawd peb mam li qhia ntxiv thaum uas peb paub tias nws ua txhaum cai dabtsi tiag, uas tejsaum yuav siv sijhawm ntev li ob peb lub litiam rau kev sis txuas lus

mus los. Ib qhov uas tsi tshuav zoo pestsawg rau cov kev qhia thaum kawg thiab mas pheej ua rau tus tibneeg uas raug ua phem ntawd pheej rovqab pom zejzuag rau lub sijhawm uas nws raug cov teebmeem ntawd.

Kuv xav hais lus ua tsaug rau cov tibneeg uas muaj peevxwm tawm los qhia peb txog tej yam li no thiaj li mus ntes tau cov tibneeg uas ua phem no. Yog hais tias lawv tsi muaj peevxwm los qhia, ntshe cov tub ntxhais ntawd haj tseem niaj hnuv raug ua phem rau. Peb siv zog ua haujlwm kom lub chaw kawm ntawv yog ib lub chaw uas muaj kev cobphaum rau lawv qhia tau yog lawv pom tias ib tus tub ntxhais kawm ntawv twg raug ua phem rau. Cov tibneeg no uas qhia tau li no yog cov (heroes) uas muaj peevxwm thiab kuv yeej txaus siab heev rau lawv.

Ib tus uas raug ua phem rau xwb yeej ntau heev li lawm. Thov nco ntsoov tias peb yog ib lub koomhaum uas muaj li 63,000 tus tub ntxhais kawm ntawv, uas muaj li 10,000 tus tibneeg ua haujlwm tsi hais cov uas yeej muaj dejnum lawm lossis cov uas tuaj (substitute), thiab tseem muaj phav tus cov tibneeg uas tuamyem pab dawb. Feem ntau cov tibneeg ua haujlwm yeej yog ib cov uas muaj lub siab hlub, yeej mob siab ua haujlwm thiab yeej ua qhov yog thiab zoo uas los pab rau cov tub ntxhais kawm ntawv. Kuv txaus siab tias peb cov tibneeg ua tau tej yam zoo tseemceeb los pab kom ncav cuag peb cov tub ntxhais txhua hnuv.

Peb muaj ntau yam haujlwm tseem yuav tom ntej no. Peb tseem tabtom saib mus rau peb tej kevcai thiab tej peb ua ntsig txog kev saib xyuas, thiab kev cobqhia. Peb yuav tsum tau ua haujlwm kom zoo mentsis txog kev uas tsi pub kom muaj tej yam xwmtxheej li no ntxiv. Feem ntau nyob rau cov ntawv xa los rau nej, koj yuav pom nqi lus no “Yog koj POM dabtsi lossis PAUB txog dabtsi, koj yuav tsum tau Hais qhia.” Peb yuav tsum tau mob siab npaj kom muaj lub chaw uas lawv yeej hais qhia tau, tsi yog lam hais xwb. Kev cobphum thiab kev noj qab haus huv ntawm peb cov tub ntxhais yog nyob ntawm peb. Nrog rau kev txhawb los ntawm peb lub Board of Trustees, Kuv yuav mob siab ua kom muaj kev cobphum thiab kev noj qab haus hauv rau txhua tus tub ntxhais thiab cov tibneeg ua haujlwm rau Elk Grove Unified School District. Uake no, Peb yuav siv zog ua haujlwm txhawb rau cov kev pab txhawb uas peb muaj.

Kuv zoo siab uas koj siv koj lub sijhawm los nyeem tshab ntawv uas tseemceeb no. Ua tsaug rau koj txojkev txhawb ua ntu zus rau peb kev ua haulwm.

Ntawm Siab Dawb Paug,

Christopher R. Hoffman
Thawj Tsavxwm